

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 11. stav (9) Zakona o osnovnoj školi („Službene novine Zeničko-dobojskog kantona“, broj: 3/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 83. sjednici, održanoj dana 06.11.2020. godine, d o n o s i

ZAKLJUČAK

I.

Daje se saglasnost, na odluku Školskog odbora JU Osnovna škola „Hasan Kikić“ Solun, Olovo, broj: 03-101/2020 od 04.03.2020. godine, o prodaji dijela školskog zemljišta, dio parcele 2118/1, zvana Polje, u površini od 4400 m², ZK uložak broj: 124 K.O. Solun I, nad kojim pravo raspolaganja ima JU OŠ „Hasan Kikić“ Solun, u korist kupca općine Olovo, za potrebe izgradnje izletišta u sklopu realizacije Strategije razvoja općine Olovo, a u skladu sa prethodno pribavljenim Mišljenjem Kantonalnog pravobranilaštva Zenica, broj: M-56/20 od 10.07.2020. godine, koje se prilaže uz ovaj zaključak i smatra njegovim sastavnim dijelom.

II.

Za realizaciju ovog zaključka zadužuje se menadžment JU OŠ „Hasan Kikić“ Solun, Olovo i Općina Olovo kao realizator i implementator Strategije razvoja općine Olovo, te Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

III.

Obavezuje se menadžment JU OŠ „Hasan Kikić“ Solun, Olovo, da realizaciju poslova i zadataka iz tačaka I i II ovog zaključka, izvrši u saradnji sa nadležnim općinskim službama i to na način da prodaja dijela školskog zemljišta, na koje škola ima pravo raspolaganja, za navednu namjenu ne ugrožava obavljanje zakonom propisane djelatnosti Osnovne škole, saglasno Zakonu o osnovnoj školi i podzakonskim propisima iz ove oblasti, te da korištenje izgrađenog izletišta bude nesmetano omogućeno svim školama na području Zeničko-dobojskog kantona.

IV.

Zaključak stupa na snagu danom donošenja.

Broj: 02-_____/20
Datum, 06.11.2020. godine
Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x JU OŠ „Hasan Kikić“ Solun, Općina Olovo, putem Ministarstva,
1x Općina Olovo, putem Ministarstva,
1x a/a.